

հարկ եղեւ ինձ գրել առ Աստուածապաշտ նորածին թագաւորութիւնդ, շնորհաւորել: Եւ խնդրեմք ի քէն լալագին պաղատանօք, լուր աղաչանաց մերոց և խնդրուածոց. մի և մի եղիցի այսպիսի իր ի միջի Ձերում. և մի դռնել զվէրս ի վերայ վերաց, և խարան ի վերայ խոցից. եղիցի սէր և խաղաղութիւն ի միջի մերում. « Քանզի Աստուած սէր է, և որ կայ ի սէրն՝ բնակի յԱստուած, և Աստուած ի նմա ». քանզի կան բազումք, որք ոչ են տեղեակ սիրոյս այս, հակակայ բանիւք վիճեն ընդ միմեանս, ասելով. « Ես Պողոսեան եմ, և (միւսն) ես Ապօղոսեան եմ, և միւսն՝ թէ՛ ես Կեփայեան »: Իսկ մեք զպատուէր Սրբոյն Պողոսի լսել հայցեմք ի ձէնը. « Որք միանգամ ի Քրիստոս մկրտեցարուք, զՔրիստոս զգեցեալ էք. չիք խտիր՝ ոչ հրէի և ոչ հեթանոսի, ոչ ծառայի և ոչ ազատի, ոչ արոււի, և ոչ իգի. զի ամենեքեան դուք մի էք ի Քրիստոս Յիսուս »: Քանզի և ի մերումս երկրի ի մեր վիճակս՝ ֆռանգ դաւանութեամբ քրիստոնեայք շատ կան. մեք՝ յիւրեանք բան չենք ասել, քաւ լիցի, այլ իբրեւ զեղբարս ընդունեմք և պատուեմք. այլ և եկող պատրիքն երբ առ մեզ կու գան, որչափ մեր կարս է՝ պատիւ և մեծարանս կ'առնեմք, վասն սիրոյն Քրիստոսի: Նոյնպէս հայցեմք ի մեծութեանէդ ձերմէ՝ զփոքրիկ հօտն զայն, այսինքն զազգս մեր, խնամով և սիրով պահեսցես, վասն սիրոյ նախնեացն քոց, և մի սուտակասպասաց բանիւք վերաւորեսցես զնոսա. զի գրեալ է. « Զեղէզն ջախջախեալ՝ մի բեկցես, և զպատրոյդն աւկայծեալ մի չի՛լուցես »: Զի անկեալ ի թագաւորութենէ և ի վերջին ստրկութիւն եմք հասեալ. և ըստ Յորայ՝ ձայնեմք առ Զեզ. « Ողորմեցարուք ինձ, ո՛վ բարեկամք իմ ». և մեք և ամենայն ազգս մեր հայցեմք ի յապէնիազ բարբարաբէն Աստուծոյ, զի անփորձ և անսասան պահեսցէ զթագաւորութիւն Քո, և բազում իմաստութեամբ և մեծութեամբ լցուցէ զքեզ հոգեկան և մարմնական առաքինութեամբ, որպէս երբեմն զմեծն Սողոմոն և զաստուածասէրն Կոստանդիանոս. և պարագայց ամօք և յամբարամ ժամանակօք վայելեսցես զաստուածապարգև թագաւորութիւն քո, որդւովք և դստերօք, ընչիւք և ապրանօք, ծառայիւք և աղախնաւք, մինչեւ ի խորին ծերութիւն. և յետ աղցաւոր յաւիտենիս՝ ի ժամանել բնութեանս կետի դասեսցէ զքեզ Տէր ընդ սրբազան թագաւորաց՝ բազմել ընդ Քրիստոսի ի սեղան Հօր իւրոյ. Որում փառք և երկրպագութիւն ընդ Հօր իւրում և Հոգւոյն Սրբոյ, յարակայ խոստովանութեամբ անզրաւ յաւիտեանս. ամէն:

Գրեցաւ գիրս ի դուռն Ս. Էջմիածնայ, ի Թովին ՌՁԱ, յաւգոս. ամսոյ Լ:

ԵՍ ՄՈՎՍԷՍ ԿԱԹՈՂԻԿՈՍ ԳՐԵՑԻ ԶԵՌԱՄԲ ԻՄՈՎ: